



PENGENALAN

**PROGRAM HADIAH LATIHAN PERSEKUTUAN (HLP),
CUTI BELAJAR BERGAJI PENUH TANPA BIASISWA (CBBP TB)
DAN HADIAH LATIHAN PERSEKUTUAN
SEPARUH MASA/ SAMBILAN (HLPS)
BAGI PEGAWAI PERKHIDMATAN PENDIDIKAN (PPP)
AMBILAN TAHUN 2024**



**BAHAGIAN TAJAAN PENDIDIKAN
KEMENTERIAN PENDIDIKAN MALAYSIA**

DISEMBER 2023

PENGENALAN

1. LATAR BELAKANG PROGRAM PENAJAAN/ CUTI BELAJAR KEMENTERIAN PENDIDIKAN MALAYSIA (KPM)

- 1.1 Program Penajaan/ Cuti Belajar KPM ditawarkan kepada Pegawai Perkhidmatan Pendidikan (PPP) lantikan Suruhanjaya Perkhidmatan Pendidikan (SPP) untuk mengikuti pengajian pascasiswazah (ijazah sarjana dan kedoktoran) sama ada di institusi pengajian tinggi terpilih di dalam atau luar negara mengikut bidang dan pengkhususan yang telah ditetapkan.
- 1.2 Program ini merupakan salah satu bentuk penganugerahan dan pengiktirafan kepada PPP yang menunjukkan prestasi cemerlang dan berpotensi untuk menyumbang idea baharu dalam bidang yang diperlukan oleh KPM.
- 1.3 Program ini bertujuan untuk membangunkan kompetensi warga pendidik bagi memenuhi keperluan strategik pendidikan negara demi memartabatkan profesion keguruan selaras dengan Pelan Pembangunan Pendidikan Malaysia (PPPM) 2013 – 2025.
- 1.4 PPP yang diperakukan untuk mengikuti Program Penajaan/ Cuti Belajar KPM ini hendaklah mempunyai minat, pengetahuan, kemahiran dan pengalaman yang sesuai dengan bidang yang dimohon serta menunjukkan sahsiah yang baik bagi menentukan kejayaan dalam pengajian dan seterusnya memberikan manfaat ke arah meningkatkan keberkesanan perkhidmatan dan organisasi.
- 1.5 Setiap tahun, perancangan dan kelulusan Program Penajaan/ Cuti Belajar KPM diselaraskan oleh Bahagian Profesionalisme Guru (BPG) serta Bahagian Tajaan Pendidikan (BTP) bertepatan dengan Perancangan Strategik Penajaan dalam Pembangunan Profesionalisme PPP (Strategic Canvas).

2. PROGRAM PENAJAAN/ CUTI BELAJAR KPM

- 2.1 Program Penajaan/ Cuti Belajar KPM yang ditawarkan pada tahun 2024 adalah seperti berikut:
- i. Hadiah Latihan Persekutuan (HLP)/ Cuti Belajar Bergaji Penuh Dengan Biasiswa (CBBP DB);
 - ii. HLP bagi Program Ijazah Sarjana Kaunseling (Penyalahgunaan Dadah) [SPADA];
 - iii. Cuti Belajar Bergaji Penuh Tanpa Biasiswa (CBBP TB); dan
 - iv. Hadiah Latihan Persekutuan Separuh Masa/ Sambilan (HLPS).
- 2.2 PPP yang berjaya ditawarkan HLP/ CBBP DB akan diberikan Cuti Belajar Bergaji Penuh sebagaimana yang diperuntukkan di dalam Perintah Am Bab 'C' Perkara 36 berdasarkan bidang-bidang kritikal yang telah dikenalpasti oleh pihak KPM. Sepanjang tempoh cuti belajar ini, PPP mengisi Jawatan Latihan BTP, KPM dan Setiausaha Bahagian, BTP merupakan Ketua Jabatan baharu yang berperanan untuk menguruskan hal-hal perkhidmatan PPP sepanjang tempoh tersebut. Tempoh cuti belajar ini layak diambil kira bagi tujuan pengiraan faedah persaraan. PPP juga layak untuk menerima elaun biasiswa serta penajaan yuran pengajian. Selain itu, PPP boleh dipertimbangkan untuk kenaikan pangkat secara Time-Based Berdasarkan Kecemerlangan (TBBK) dalam tempoh mengikuti kursus tersebut sekiranya telah memenuhi syarat dalam skim perkhidmatan berkenaan.
- 2.3 Manakala, PPP yang berjaya ditawarkan CBBP TB akan turut mengisi Jawatan Latihan BTP, KPM. Tempoh cuti belajar ini juga layak diambil kira bagi tujuan pengiraan faedah persaraan. Walau bagaimanapun, PPP hanya diberikan cuti belajar sepanjang tempoh pengajian diluluskan, namun perlu membiayai sendiri yuran pengajian yang ditetapkan oleh pihak universiti.
- 2.4 PPP yang berjaya ditawarkan HLP/ CBBP DB atau CBBP TB akan mengikuti pengajian secara sepenuh masa di universiti awam (UA) di dalam negara atau universiti di luar negara. PPP yang ingin memohon universiti di luar negara perlu merujuk kepada senarai seperti yang berikut:
- i. Senarai Type A dan Type B dalam Top Global Universities (The Top Global University Project) bagi pengajian di Jepun;
 - ii. Senarai kedudukan 100 teratas secara keseluruhan atau 10 teratas mengikut bidang dalam The Times Higher Education (THE) World University Rankings; atau
 - iii. Senarai kedudukan 100 teratas secara keseluruhan atau 10 teratas mengikut bidang dalam Quacquarelli Symonds (QS) World University Rankings.

- 2.5 HLPS pula adalah program penajaan yang ditawarkan kepada PPP yang berhasrat atau sedang melanjutkan pengajian secara separuh masa atau sambilan di UA di dalam negara sahaja. PPP yang menerima tawaran HLPS berkelayakan untuk menerima penajaan yuran pengajian, Elaun Buku dan Elaun Tesis.
- 2.6 Ringkasan perbezaan antara HLP/ CBBP DB, CBBP TB dan HLPS adalah seperti yang berikut:

Pengajian	Cuti Belajar	Gaji	Yuran/Biasiswa
HLP/ CBBP DB	√	√	√
CBBP TB	√	√	X
HLPS	X	√	√

3. PELAKSANAAN PROGRAM PENAJAAN/ CUTI BELAJAR KPM

- 3.1 Permohonan Program Penajaan/ Cuti Belajar KPM bagi tahun 2024 dibuka kepada PPP untuk melanjutkan pengajian dalam bidang dan pengkhususan berdasarkan ketetapan dan keperluan KPM (**rujuk Senarai Bidang Pengajian Tahun 2024**).
- 3.2 Penetapan bidang dan pengkhususan yang ditawarkan kepada PPP pada tahun 2024 akan dibahagikan mengikut program penajaan seperti yang berikut:
- i. HLP/ CBBP DB
Ditawarkan kepada bidang pengkhususan yang berkeperluan tinggi di KPM.
 - ii. CBBP TB
Ditawarkan kepada bidang pengkhususan berkeperluan di KPM selain daripada bidang pengkhususan yang telah ditawarkan HLP/ CBBP DB.
 - iii. HLPS
Ditawarkan kepada semua bidang pengkhususan yang dikenal pasti dilaksanakan secara separuh masa di universiti berkaitan.
- 3.3 PPP perlu memastikan bidang yang dimohon adalah berkaitan dengan kelayakan akademik yang telah dimiliki, kesesuaian opsyen atau pengalaman perkhidmatan serta perancangan peningkatan kerjaya pada masa akan datang. PPP juga harus mematuhi ketetapan KPM untuk mengikut pengajian dalam **tiga pilihan mod pengajian** iaitu:
- i. Ijazah Sarjana
 - Mod Campuran (Kerja Kursus dengan Disertasi/ Tesis), Mod Penyelidikan, atau Mod Kerja Kursus;
 - ii. Ijazah Kedoktoran Falsafah (PhD)
 - Mod Penyelidikan; atau
 - iii. Ijazah Kedoktoran Pendidikan (EdD)
 - Mod Campuran atau Mod Kerja Kursus.

- 3.4 PPP yang berhasrat untuk memohon kemudahan Program Penajaan/ Cuti Belajar KPM digalakkan untuk membuat persediaan dan perancangan awal termasuk mengenal pasti universiti yang menawarkan bidang pengajian yang ingin dimohon, memastikan bidang tersebut selaras dengan ketetapan KPM dan memastikan penyelia akademik sewaktu pengajian kelak adalah berkepakaran dalam bidang yang dimohon.
- 3.5 KPM akan meneliti dan memilih PPP yang terbaik dan memenuhi kriteria yang ditetapkan untuk dipanggil temu duga. Sehubungan dengan itu, PPP yang berjaya dipanggil temu duga dinasihatkan untuk membuat persediaan yang baik sebelum menghadiri temu duga. PPP perlu menyediakan Kertas Cadangan Penyelidikan (dalam bahasa Melayu atau bahasa Inggeris untuk pengajian dalam negara dan bahasa Inggeris bagi pengajian luar negara) yang berkualiti dan asli bersesuaian dengan bidang yang dimohon berserta slaid pembentangan yang dibawa semasa sesi temu duga.
- 3.6 PPP yang berjaya temu duga akan menerima Surat Tawaran Bersyarat dan wajib menghadiri Kursus Persediaan Pengajian bagi suatu tempoh yang akan ditentukan oleh pihak KPM serta lulus ujian yang diadakan semasa kursus tersebut. Kegagalan PPP untuk menghadiri kursus tersebut akan mengakibatkan penawaran terbatal.
- 3.7 PPP yang menerima kemudahan Program Penajaan/ Cuti Belajar KPM adalah terikat dengan kontrak perkhidmatan dan tertakluk kepada terma yang terkandung dalam perjanjian. Selain itu, PPP bertanggungjawab terhadap pengajian dan wajib menamatkan pengajian dalam tempoh yang ditetapkan.
- 3.8 PPP akan kembali berkhidmat setelah tamat tempoh cuti belajar sekali gus perlu memanfaatkan sepenuhnya ilmu dan kepakaran yang dimiliki untuk kemajuan diri dan organisasi. PPP yang melapor diri akan ditempatkan ke dalam ekosistem pendidikan mengikut keperluan semasa kementerian serta bersesuaian dengan bidang kepakaran dan kekosongan tempat bagi membolehkan KPM melaksanakan perancangan pembangunan sumber manusia secara lebih berkesan.

4. RINGKASAN KEMUDAHAN PROGRAM PENAJAAN/ CUTI BELAJAR KEMENTERIAN PENDIDIKAN MALAYSIA

- 4.1 Ringkasan berhubung Program Penajaan/ Cuti Belajar KPM bagi tahun 2024 adalah seperti jadual di bawah.

RINGKASAN KEMUDAHAN PROGRAM PENAJAAN/ CUTI BELAJAR KEMENTERIAN PENDIDIKAN MALAYSIA

KETERANGAN		PROGRAM PENAJAAN/ CUTI BELAJAR							
		HLP/ CBBP DB			SPADA	CBBP TB		HLPS	
Peringkat Pengajian		Sarjana	Kedoktoran Falsafah (PhD)	Kedoktoran Pendidikan (EdD)	Sarjana	Sarjana	Kedoktoran Falsafah (PhD)	Sarjana	Kedoktoran Falsafah (PhD)
a.	Struktur/ Mod Pengajian	Campuran/ Penyelidikan/ Kerja Kursus	Penyelidikan	Campuran/ Kerja Kursus	Kerja Kursus	Campuran/ Penyelidikan/ Kerja Kursus	Penyelidikan	Campuran/ Penyelidikan/ Kerja Kursus	Penyelidikan
b.	Tempat Pengajian	Dalam negara	Dalam/ Luar negara		Dalam negara	Dalam negara		Dalam negara	
c.	Kaedah Pengajian	Sepenuh masa						Separuh masa/ Sambilan	
d.	Kemudahan Cuti Belajar	LAYAK mendapat cuti belajar						TIDAK LAYAK mendapat cuti belajar	
e.	Jenis Pengajian	BELUM memulakan pengajian						TELAH atau BELUM memulakan pengajian	
f.	Baki semester pengajian pada September/ Oktober 2024 (Telah memulakan pengajian)	Tidak berkaitan						Minimum baki semester pengajian : 3	

KETERANGAN		PROGRAM PENAJAAN/ CUTI BELAJAR							
		HLP/ CBBP DB			SPADA	CBBP TB		HLPS	
Peringkat Pengajian		Sarjana	Kedoktoran Falsafah (PhD)	Kedoktoran Pendidikan (EdD)	Sarjana	Sarjana	Kedoktoran Falsafah (PhD)	Sarjana	Kedoktoran Falsafah (PhD)
g.	Kelayakan Pembiayaan	<ul style="list-style-type: none"> - Yuran pengajian - Elaun Sara Hidup - Elaun Buku - Elaun Tesis - Elaun Alat Perkakas - Elaun Bantuan Sewa Rumah (Kadar pegawai dan anak sahaja)* - Elaun Bantuan Keluarga (Kadar pegawai dan anak sahaja)* - Elaun Penempatan* - Elaun Akhir Pengajian* - Elaun Latihan Amali* - Insurans Kesihatan (Luar Negara sahaja) - Elaun Pakaian Panas (Luar Negara sahaja) 	<ul style="list-style-type: none"> - Yuran pengajian - Elaun Sara Hidup - Elaun Buku - Elaun Tesis - Elaun Alat Perkakas - Elaun Bantuan Sewa Rumah (Kadar pegawai dan anak sahaja)* - Elaun Bantuan Keluarga (Kadar pegawai dan anak sahaja)* - Elaun Penempatan* - Elaun Akhir Pengajian* - Elaun Latihan Amali* - Insurans Kesihatan (Luar Negara sahaja) - Elaun Pakaian Panas (Luar Negara sahaja) 	<ul style="list-style-type: none"> - Yuran pengajian - Elaun Sara Hidup - Elaun Buku - Elaun Tesis - Elaun Alat Perkakas - Elaun Bantuan Keluarga (Kadar pegawai dan anak sahaja)* - Elaun Penempatan* - Elaun Akhir Pengajian* - Elaun Latihan Amali 	Tidak berkaitan		<ul style="list-style-type: none"> - Yuran pengajian (mulai semester PPP menerima tawaran sehingga tamat tempoh penajaan) - Elaun Buku - Elaun Tesis 		

*Tertakluk kepada kelayakan PPP

5. PERTANYAAN

- 5.1 Sebarang pertanyaan mengenai proses penawaran bagi kemudahan Program Penajaan/ Cuti Belajar KPM ini, tuan/ puan boleh menghubungi pegawai berikut:

Pertanyaan umum berkaitan program:

Cawangan Penawaran
Bahagian Tajaan Pendidikan
Kementerian Pendidikan Malaysia
Aras 1, Blok 225
Jalan Usahawan 1
63000 Cyberjaya Selangor
(u.p.: Puan Jamilah binti Yahaya/ Encik Asri bin Asmuni/ Encik Muhd Sharrul Nizam bin Baharum/ Puan Wan Naqiyyah binti Wan Hassan)

No. Telefon: 03-8321 7144 / 03-8321 7154 / 03-8321 7071

E-mel: penawaran.bb@moe.gov.my

Untuk masalah teknikal borang permohonan, sila hubungi:

E-mel: tm.bbp@moe.gov.my
(mohon dikemukakan bersama-sama e-mel tangkap layar (screenshot) masalah teknikal permohonan yang dihadapi)

Disediakan oleh:
**BAHAGIAN TAJAAN PENDIDIKAN
KEMENTERIAN PENDIDIKAN MALAYSIA**

DISEMBER 2023